

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0059826 24
Zenica, 01.04.2025. godine

OPĆINSKOM SUDU

...

Sudiji za prethodno saslušanje

Na osnovu člana 45. st. 2. točka i) i člana 241. stav 1. Zakona o krivičnom postupku F BiH, podižem

O P T U Ž N I C U

Protiv:

B. N., neosuđivan,

što je:

1.dana 28.07.2024. godine, oko 20:00 sati, u porodičnoj kući nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje svoje supruge na način da je istu vrijeđao i psovao joj da bi u jednom momentu nogom udario potkoljenicom uslijed čega je ista zadobila povredu u vidu modrice, da bi je zatim uhvatio za vrat i nastavio sa psovkama i uvredama, iako je bio svjestan da ovakvim nasiljem, drskim i bezobzirnim ponašanjem ugrožava mir, tjelesnu cjelovitost i duševno zdravlje svoje supruge, što je i htio, što je sve kod oštećene izazvalo osjećaj straha i nesigurnosti,

2.dana 12.08.2024. godine, drskim i bezobzirnim ponašanjem ugrozio mir i psihičko zdravlje svoje supruge , na način da je došao do ulaznih vrata porodične kuće, unatoč činjenici da je imao izrečenu zabranu prilaska svojoj supruzi kao žrtvi njegovog nasilja, kojom prilikom je držao sjekiru u ruci i uputio joj prijetnje riječima: „Otvorit ćeš ti meni, otvorit ako ne otvoriš ja ću provaliti“, te riječi: „Zovi policiju nek dođu jedan je moj ako njima nije žao poginuti nije ni meni“, te joj uputio ozbiljne prijetnje po život i tijelo riječima: „Ja ću te ubiti!“, iako je bio svjestan da ovakvim drskim i bezobzirnim ponašanjem ugrožava mir i duševno zdravlje svoje supruge, što je i htio, što je sve kod oštećene izazvalo osjećaj straha i nesigurnosti,

dakle, nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje člana svoje porodice sa kojim ne živi u zajedničkom kućanstvu,

čime je počinio produženo krivično djelo nasilje u porodici iz člana 222. stav 2. u vezi sa stavom 1. i članom 55. KZ F BiH.